

光緒六年增修

永興齋刊

興縣續志

嶺山書院藏板

序

治天下之道因其地從其
俗而已矣因其地則順而
理從其俗則政不煩而民
安之故禹貢一書九州五
服山川田賦以及草木貢

筐之細靡不畢載而周禮
小史掌邦國之志外史掌
四方之志又歲遣小行人
徧輶軒博採方聞反命
於王以備諮謀非以侈輿
圖之廣騁載籍之文也所

以周民隱而出治道也今
聖天子聲教誕敷無遠弗屆集
共球於萬國同書軌於八
埏

特命館臣彙修一統志因徵各
省縣邑之志以備採擇蓋

其

睿慮所周必欲舉溥海內外窮
陬僻壤之土物民風備悉
於

一人淵默之衷而後以審調劑
之宜施養教之術其於理

萬國惠兆姓之意可謂深

且切矣

雲

簡涖茲土畱心

民瘼虛衷延訪未得其詳

適大司成懿齋孫老先

生與其兄公安侯敬岩老
先生讀禮於家雲承

休命自揣固陋敦請編緝而

先生兄弟慨然以爲己任爰

因舊志博加蒐輯刪蕪就

簡存信闕疑閱四月而書

告成凡得一十八卷雖不

敢謂纖悉之無遺憾而於

興邑山川田賦民物謠俗
之詳下至昆虫草木之細
與夫綏柔整飭補救之方
固已披簡可得亦庶幾文
獻之徵矣爰錄陳

上憲用副鉅典而復鋟梓以

貽將來冀後之人有斯土
之責者披疆域而知保障
之宜嚴閱山川而識險易
之有備議食貨之經則田
賦之豐嗇可稽也謀生聚
之道則戶口之虛盈可驗

也物產溥宜節儉以惜物力民風鄙必禮讓以興民行觀選舉則育才造士之方不可緩考營築知桑土綢繆之計不可忘至於峻節幽芳可以維風必加旌

卹崇論碩議可以佐政必
爲採行則其所以加惠興
民者豈有窮哉夫天下者
縣邑之積也守令者

天子親民之吏也興邑地磽山
瘠物贏民貧惟恃司牧者

撫循而噢咻之然而不詳
其地則政不洽物不審其
俗則化不宐民然則是編
也可以審調劑之宐施養
教之術上以少佐

聖天子周諮民隱之至治而下

貽將來守土之型使因其
地從其俗予興民樂利無
疆之休以世世享

朝廷太平之福者端賴於斯也
則卽以斯編爲芻蕘之獻
可也

雍正八年歲次庚戌孟夏
之吉文林郎知興縣事實
貴陽程雲謹序

敘

天子卽位之七年德溢九瀛慮
周萬姓特命纂修一統志
因徵天下郡國志乘興侯
程公承命俾淦與弟嘉淦
共勦其事閱四月編成而

喟然曰於戲爲治之道具
於此矣今日之民猶是三
代之民也今日之法猶是
三代之法也重以

朝廷宵旰之精勤百爾撫綏之
實政固已溥海同風黎民

丕變而彈丸下邑猶有弊
之當釐政之當舉俗之當
易以煩民上之經營此非
法之未盡善而司牧之人
未盡循良也文獻無徵所
爲方俗民性之詳未盡悉